

文帝孝經原跋

文昌先天之孔子也孔子後天之文昌也育子一章非卽北山
生我之詩乎體親一章非卽色難無違之體乎辨孝一章非卽
養口體養心志之辨乎守身一章非卽臨淵履冰之守乎教孝
一章非卽入孝出弟之教乎孝感一章非卽大德達孝人無間
言之事乎吾師瓊山邱太師性不喜談佛老獨謂曾子十八章
直與帝君大旨相發明信服聖訓如此誠以其大有功於儒教
耳夫乳哺成人無盡而力豈休養生送死事有終而心罔極
聖賢不過教人自盡而經天緯地實不出此所以諄諄告誡者
皆吾儒淑身治人務本行道大學問鑿也誌之愧未逮也

道藏輯要

文帝孝經

三

星集九

明宏治五年三月內翰林侍讀學士王鏊敬跋